


კავკასიის ეკონომიკის ყოველთვიური
მიმოხილვა

სექტემბერი 2026



ეკონომიკური ზრდა




კავკასიის ეკონომიკურ ზრდაზე რუსეთ-უკრაინის ომს კვლავ დადებითი ეფექტი გააჩნია, რასაც 2024 წელს მონეტარული შემსუბუქების ეფექტი დაემატა. შედეგად, ამ პერიოდში ზრდა 6.2%-მდე აჩქარდა. 2025 წლიდან ზრდის ტემპი ისევ შენეულა. წინა წელს ეკონომიკა 4.4%-ით გაიზარდა. მიმდინარე წლის იანვარ-ივლისში რეგიონის ეკონომიკა 4.1%-ით გაფართოვდა.

🇧🇪 2024 წელს საქართველოს ეკონომიკა 9.5%-ით გაიზარდა. გასულ წელს ეკონომიკა 7.5%-ით გაფართოვდა. მიმდინარე წლის იანვარ-ივლისში ზრდის მაჩვენებელი 7.9% იყო. ზრდაში მნიშვნელოვანი წვლილი ტელეკომუნიკაციების, დამამუშავებელი მრეწველობის, სამთომოპოვებითი მრეწველობის, ტრანსპორტისა და საფინანსო სექტორებმა შეიტანეს. კლება დაფიქსირდა მშენებლობის დარგში.

🇦🇲 2024 წელს სომხეთის ეკონომიკა 8%-ით გაიზარდა. გასულ წელს ეკონომიკა 9.2%-ით გაფართოვდა. 2026 წლის იანვარ-ივნისში ეკონომიკა 7.3%-ით გაიზარდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 0.7%-ით მოიმატა, სამშენებლო დარგმა კი - 24.7%-ით. მომსახურების სექტორში გამოძვება კი 12.8%-ით გაფართოვდა.

🇦🇷 2024 წელს აზერბაიჯანის ეკონომიკა 4.1%-ით გაფართოვდა. გასულ წელს ეკონომიკა 1.4%-ით გაიზარდა. მიმდინარე წლის იანვარ-ივლისში ეკონომიკა 1.4%-ით გაიზარდა. აზერბაიჯანის ეკონომიკის სტრუქტურაში 29.9%-ს ნავთობისა და გაზის ინდუსტრია იკავებს. ამ ინდუსტრიის გარეშე ზრდის ტემპმა 2.2% შეადგინა. სოფლის მეურნეობა კი მხოლოდ 2.8%-ით გაფართოვდა.

ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში ეკონომიკური ზრდის ტენდენციებს ნაკლებად იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.

✚ 2025 წელს საქართველოში ინფლაციის ტემპი, წინა წელთან შედარებით, აჩქარდა. 2026 წლის აგვისტოში სამომხმარებლო ფასების წლიურმა ზრდამ 5.6% შეადგინა. აგვისტოს ინფლაციაში მაღალი წვლილი ტრანსპორტის ფასებმა შეიტანეს, რომლებიც 15.2%-ით გაიზარდა. თუმცა რიგ სექტორებში ფასების კლება დაფიქსირდა, მათ შორის კავშირგაბმულობის ფასები ყველაზე მეტად, 7.5%-ით შემცირდა. ამ ფონზე ცენტრალურმა ბანკმა ბოლო გადაწყვეტილებით რეფინანსირების განაკვეთი 8.25%-ზე შეინარჩუნა.

🇧🇪 წარსულში რეგიონში ფასების დინამიკით სომხეთი გამოირჩეოდა. 2026 წლის აგვისტოში სამომხმარებლო ფასების წლიური ზრდა 4.4% იყო. ყველაზე მაღალი, 8.3%-იანი ზრდა განათლების სექტორში დაფიქსირდა, ხოლო ფასების დონე უცვლელი გართობისა და კულტურის ჯგუფში იყო. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით რეფინანსირების განაკვეთი 6.75%-მდე გაიზარდა.

🇦🇲 აზერბაიჯანში ინფლაცია აჩქარდა. 2026 წლის აგვისტოში სამომხმარებლო ფასების წლიურმა ზრდამ 5.7% შეადგინა. ივლისში ეს ნიშნული 5.8% იყო. აზერბაიჯანში რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. სექტემბერში მიღებული გადაწყვეტილებით პოლიტიკის განაკვეთი 6.5%-ზე შენარჩუნდა.